

四庫全書

子部

欽定四庫全書

子部
記纂淵海卷九十九
一百

詳校官中書_臣余日煥

主事_臣祁韻士覆勘

總校官降調編修_臣倉聖脉

校對官中書_臣王家賓

謄錄監生_臣朱學瀛

欽定四庫全書

記纂淵海卷九十九

宋 潘自牧 撰

水族部

龍

經乾初九潛龍勿用九二見龍在田九五飛龍在天上
九亢龍有悔用九見羣龍无首吉 時乘六龍以御天

雲從龍

龍戰于野其血玄黃

震為龍

易

龍以為畜

故魚鮪不愆

記

鄭大水龍鬪于時門之外洧淵國人請

為禁焉子產不許曰我鬪龍不我覲也龍鬪我獨何覲焉禳之則彼其室也吾無求于龍龍亦無求於我乃止

龍見于絳郊魏獻子問於蔡墨曰吾聞之蟲莫知於龍以其不生得也對曰人實不知非龍實知古者畜龍

故國有豢龍氏有御龍氏

左傳

子龍被五色而遊故神欲小則如蠶蠋欲大則極天地欲上則凌雲欲沉則伏泉蛟龍水蟲之神者也乘水則神立失水則神廢

管子

墨子北之齊遇日者曰帝以今

日殺黑龍於北方先生色黑不可以北墨子曰帝以甲
乙殺青龍於東方丙丁殺赤龍於南方庚辛殺白龍於
西方壬癸殺黑龍於北方若用子言則禁天下之行也
墨子龍合而成體散而成章乘乎雲氣養乎陰陽 朱泚
漫學屠龍於支離益殫千金之家三年伎成而無所用
其巧也 河上有家貧恃緯蕭而食者其子沒淵得千
金之珠其父曰取石來鍛之夫千金之珠必在九重之
淵而驪龍頷下子能得珠者必遭其睡也 莊子夫龍可狎

而騎也然喉下有逆鱗徑尺若嬰之則殺人

子韓龍舉而

景雲屬人不見龍之飛舉而能高者風雨之奉也

淮南

子山中辰日稱雨師者龍也

抱朴子

史黃帝得土德黃龍見夏得木德青龍止於郊夏后

氏之衰有二神龍止於帝庭而言曰余褒之二君也夏

帝卜殺之徙去之留之莫吉卜請其醑而藏之吉

史惠記

帝二年丙龍見蘭陵人家井中文帝十五年黃龍見

成紀

漢書

葛陂竹杖化龍

見竹類

龍見武庫井中百官將賀

劉毅獨曰昔龍降鄭時門之外子產不賀龍降夏庭沫
流不禁卜藏其沫至周幽王禍釁乃發證據舊典無賀
龍之禮 陸機嘗餉張華鮓華曰此龍肉也試以苦酒

濯之必有異既而五色光起 雷渙之子渡延平津腰

間劍躍入水化為龍

晉書

劉穆之嘗夢與高祖俱泛海俯

視船下見有二白龍挾舡既而至一山峯崿聳秀林樹

繁密意甚悅之

沈約宋書

梁江陵城壕中有龍騰出煥爛五

色竦躍入雲

南史

大象中榮州有黑龍見與赤龍鬪於汴

水之側黑龍死 褚無量好學臨平湖中有龍闕里閭

就觀之無量時年十三讀書宴然不動

唐書

太和二年五

龍會於密州次第而至五方之色具焉

後周書

傳記鱗蟲三百六十而龍為之長

大戴禮

有鱗曰蛟龍有

翼曰應龍有角曰虬龍無角曰螭龍

龍未昇天曰蟠

說文

太皞有景龍之瑞故以龍紀官

黃帝采首山銅

鑄鼎荆山下有龍垂胡髯下迎黃帝

帝王世紀

禹南濟江黃

龍負舟禹笑曰吾受命於天竭力以養人柰何憂于龍

龍弭首而逝

呂氏春秋

禹誅防風氏二龍降之禹使范氏御

之以行

括地圖

昔夏后啓夢乘龍飛以登于天畢陶占之

曰吉

歸藏明夷卦

吳王欲從民飲酒伍子胥諫曰昔白龍下

清冷之淵化為魚漁者豫且射中其目白龍上訴天帝

天帝曰魚固人之所射也豫且何罪夫白龍天地貴畜

也豫且宋國之賤臣也白龍不化豫且不射今棄萬乘

之位而從布衣之士飲酒臣恐其有豫且之患矣

說苑葉

公好龍室屋彫文畫以為龍於是天龍聞而下之窺頭

於牖拖尾於堂葉公見之遠而還走是葉公非好龍也

好夫似龍而非真者也

劉向新序

宋玉對楚王曰神龍朝發

崑崙之墟暮宿於孟諸超騰雲漢之表婉轉四瀆之裏

夫尺澤之鯢豈能料江海之大哉

先賢傳

漢和帝元年有

一青龍墮於宮中帝命烹之賜群臣龍羹各一杯故李

尤七命曰味兼龍炙

述異記

陶侃嘗捕魚得一織梭還挂

於壁有頃雷雨梭變成赤龍而去

異苑

世言乘龍苦於行

雨而雷神捕之

洛中有祠穴曾有誤墜其中行數里

漸明見有宮殿人物又有大羊羊髯有珠人取食之後
出以問張華華曰大羊名曰癡龍

北

孫思邈隱居終南

山時大旱西域僧請於昆明池結壇祈雨凡七日縮水
數尺池龍化為老人求救于思邈思邈謂曰我知昆明
池有仙方三十首留傳與予予將救汝老人曰此方上
帝不許妄傳今急矣固無所吝有頃捧方而至思邈曰
爾第還無慮自是池水忽漲溢岸數日胡僧羞恚而死

雜俎

集龍噓氣成雲雲固弗靈於龍也然龍乘是氣茫洋窮
乎玄間薄日月伏光景感震電神變化水下土汨陵谷
雲亦靈怪矣哉雲龍之所能使為靈也若龍之靈則非
雲之所能使為靈也然龍弗得雲無以神其靈矣失其
所憑依信不可歟異哉其所憑依乃其所自為也易曰
雲從龍既曰龍雲從之矣韓文扶風馬孺子言年十五時
在澤州與羣兒戲郊亭上頃然有奇女墮地有光粲然
被緞裘白紋之裏首步搖之冠貴游少年駭且悅之稍

狎焉女嬃爾怒曰不可吾故居鈞天帝宮下上星辰呼
噓陰陽薄蓬萊羞崑崙而不即者帝以吾心侈大怒而
謫來七日當復今吾雖辱塵土中非若儼也吾復且害
若衆恐而退遂入居佛寺講室焉及期進取杯水飲之
噓成雲氣五色脩脩也因取裘反之化為白龍徊翔登
天莫知其所終

柳文

本朝神物生天擾可騎如何孔甲但能羈當時若更無
劉累龍意茫然豈得知 山腰石有千年澗石眼泉無

一日乾天下蒼生待霖雨不知龍在此中蟠

王介甫

魚

經包有魚无咎不利賓包无魚起凶 豚魚吉信及豚

魚也 易淮夷蠙珠暨魚 書 魴魚賴尾 豈其食魚必河

之魴豈其食魚必河之鯉 魚麗于罟 南有嘉魚

魚在于渚或潛在淵 魚在于沼亦匪克樂 魚在在

藻有頌其首有莘其尾依于其蒲 魚躍于淵 王在

靈沼於物魚躍 猗與漆沮潛有多魚有鱣有鮪有鰪有鰌

鯉鯉詩

獻人辨魚物為鱣

周禮

稟魚曰商祭鮮魚曰胾

祭孟春魚上冰獺祭魚

季春薦鮓于寢廟

羞濡

魚者進尾冬右腴夏右鰭

禮記

公將如棠觀魚臧僖伯諫

公曰吾將畧地焉遂往陳魚而觀之

劉子曰微禹吾

其魚乎

左傳

子昔者有饋生魚於鄭子產子產使校人畜之池校人

烹之反命曰始舍之圉圉焉少則洋洋焉攸然而逝子

產曰得其所哉

孟子

魚不可脫於淵

老子

川廣者魚大

丈八

垓之北有溟海有魚焉其廣數千里其長稱焉

列子泉涸

魚相與處於陸相呴以濕相濡以沫不如相忘於江湖

惠子與莊子遊于濠梁之上莊子曰儵魚出遊從容

是魚之樂也惠子曰子非魚安知魚之樂莊子曰子非

我安知我不知魚之樂 吞舟之魚蕩而失水則螻蟻

能苦之 筌者所以在魚得魚而忘筌也 莊子見車

轍中有鮒魚鮒魚曰我東海之波臣也君豈有升斗之

水而活我哉莊子曰待我激西江之水而逆子鮒魚曰

不如早索我於枯魚之肆

莊子

公儀休相魯而嗜魚一邦

皆爭買魚而獻之公儀子不受曰夫唯嗜魚固不受也

韓子

水濁則魚噉

水積而魚聚

使水濁者魚撓之

月虧則魚腦減

宋君亡其珠池魚為之殫

畜池魚

者必去獮獺

爭魚者濡

淮南子

史武王白魚入舟

見祥瑞類

陳勝吳廣舉大計以丹書帛曰

陳勝王置所罾魚腹中使買魚見書

漢書

羊續為南陽太

守府丞嘗獻其生魚續懸之於庭

後漢書

王延性仁孝繼

母卜氏嘗盛冬思生魚延叩凌而哭忽有一魚長五寸

躍出冰上延取以進母吳隱之為廣州刺史帳下人

進魚每剔去骨隱之罰而黜焉晉書明帝幸華林園天淵

池白魚躍入御舟沈約宋書王固嘗聘魏魏人以南人嗜魚

大設網罟固以佛法呪之遂一鱗不獲梁書陸政性至孝

其母好食魚後宅忽有泉出而魚遂得以供膳北史太宗

觀書于西宮見魚躍焉問其故漁者曰此當乳也於是

中網而止唐書

傳記魚有力者微魚枕謂之丁魚腸謂之乙魚尾謂之

丙

兩雅

孔子之楚有漁者獻魚曰天暑市遠無所鬻之思

欲棄之糞壤不若獻之君子孔子再拜而受埽地祭之

家語

楚人有獻魚於楚王者曰今日獲魚食之不盡賣之

不售棄之可惜故來獻之左右曰鄙哉辭也楚王曰漁者仁人也蓋聞廩倉粟有餘者國有饑民後宮多幽女者下民多曠夫餘行之蓄聚於府庫者境內多貧乏之民漁者知之其以喻寡人也於是乃遣使恤鰥寡楚國

賴之新序葛玄見賣大魚者謂曰暫煩此魚到河伯處魚

主曰魚已死玄曰無苦乃以丹書紙內魚口中擲水中

有頃魚還擲上岸得書神仙傳吳王江行食膾有餘棄於

江中流化而為魚今江中有名吳王膾餘魚者猶作膾

形博物志魚復溪中有魚其頭似羊豐肉少骨美於餘魚

扶南國有鮮巴魚頭如馬首伺人入水便來為害水經

瀛洲有洞淵廣千里有魚身長千丈拾遺錄武陽小魚大

如針號一斤千頭蜀人以為醬廣志彭蠡之濱以魚食犬

城門失火禍及池中魚俗說池中魚人姓字居近城
門城失火延及其家非也謹按百家書宋城門失火因
汲池中水以沃之魚悉露死喻惡之滋并中傷重謹也

論衡

集彼尋常之汙瀆兮何以容吞舟之魚橫江湖之鱣鯨

兮固將制夫螻螳

賈誼

沛乎如巨魚之縱大壑

王褒

北溟有

巨魚身長數千里仰噴三山雪橫吞百川水憑陵隨海
運烜赫因風起吾觀摩天飛九萬方未已魯國一杯

水難容橫海鱗

李白

潛鱗輸駭浪

紫鱗衝岸躍

水深

魚極樂

潛波想巨魚

白魚如切玉

泉出巨魚長

比人丹砂作尾黃金鱗

白小群分命天然二寸魚細

微沾水族風俗當園蔬

魚知丙穴由來美

杜詩

輕浪參

差魚動鏡羣鱗沸池羹

沈細抽潛腥

韓詩

澗急驚鱗

奔沉景照文鱗

每憶纖鱗遊尺澤

柳詩

香餌見來須

閉口大江歸去好藏身盤渦峻激多傾覆莫學長鯨擬

害人

白居易

本朝火髻錦鬣鱗雪霜紅眼照曜珠夜光若無鯢鮪與
蝦蚪安見品格非尋常

劉貢父

秋水澄清見髮毛錦鱗行

處水紋搖岸邊人影驚還去時向綠荷深處跳溪鱗

佳味自可愛何異鱸鮓爭尺水巨魚先已化風雷

六一

集

江水深成窟潛魚大似犀赤鱗如琥珀老枕勝琉璃

三年京國厭藜蒿長羨淮魚壓楚糟

東坡

偶思煖老庖

玄鰈公遣霜鱗貫柳來

山谷

寧容網目漏吞舟

誰能烹

鮮作苛碎

后山

河豚

傳記河豚有毒以盧根及橄欖等解之肝有大毒又名

規魚規魚吹肚魚也

草本

本朝河之魚有豚其名者遊於橋間而觸其柱怒其柱

之觸已也則張頰植鬣怒腹而浮於水飛鳶過而攫之

磔其腹而食之因遊而觸物不知罪已妄肆其忿至於

磔腹而死悲夫

東坡集

歐公謂河豚出於暮春食柳絮而

肥殆不然今浙人食河豚於上元前江陰最先得方出

時一尾直千錢二月後一尾纔百錢耳柳絮時人已不

食謂之班子或言腹中生蟲故惡之

石林詩話

東坡詩云竹

外桃花三兩枝春江水煖鴨先知菱蒿滿地蘆芽短正

是河豚欲上時此正是二月景致是時河豚已盛矣欲

上之語似乎未穩

漁隱叢話

經筵官會資善堂東坡盛稱河

豚之美呂元明問其味曰直那一死

聞見錄

河豚盛氣善

怒每伏水底必設網于上故以物就而觸之彼將奮怒

而上遂為所獲吳人目其腹腴為西施乳

藝苑雌黃

春洲生

荻芽春岸飛楊花河豚當是時實不數魚蝦東坡忿腹若

封豕怒目猶吳蛙庖煎苟失所入喉為鑊鉶梅聖俞非鱗

亦非介芒刺皮如蝟觀形固可憎况復論腸胃曾南豐

烏賊

傳記世謂烏賊懷墨而知禮故俗云是海若用事小吏

或曰性嗜烏常暴水上飛烏過謂其已死便往啄之乃

捲取烏故謂烏賊南越記海人言昔秦王東遊棄筭於海

化為此魚形如箕袋兩帶極長烏賊舊名河伯度事

一名從事小吏江東人取其墨書契以脫人財踰年字
消惟空紙耳 舊說烏賊有矴遇風則虬前一鬚下矴

一名纜魚風波稍急即以其鬚粘石為纜雜俎

本朝海之魚有烏賊其名者吮水而水烏懼物之窺已
也則吮水以自蔽海鳥知其魚而攫之嗚呼徒知自蔽
以求全不知滅迹以杜疑哀哉東坡集腹膏為飯囊高胃

貯飲墨出沒上下波厭飫吳越食梅聖俞

蝦

史滕脩為廣州刺史或語脩蝦長一丈脩不信其人至

東海取蝦鬚長四五尺封以示脩脩乃服

王隱
晉書

傳記鰓大蝦也

爾雅

蝦種多蜣最大中作脯

異物
志

南海以

蝦頭為杯鬚長數尺金銀鏤之

南越
志

馬稜為廣陵太守

蝗蟲飛入海化為魚蝦

東觀
記

虞嘯父為孝武侍中帝曰

卿在閣下初不聞有獻替對曰天時尚煖魚鼈蝦蚱未

可致尋有所獻帝大笑

世
說

水母

傳記東海有物狀如凝血名曰水母無頭目所處則衆

蝦附之

博物志

水母如羊胃可生切食

廣志

廣州謂之水母

閩人謂之蛇其形乃渾然凝結一物有淡紫色者腹下有物如懸絮俗謂之足而無口眼常有數十蝦寄腹下啞食其涎浮泛水上捕者或遇之即歛然而沒蓋蝦有

所見耳

嶺表錄異

龜

經舍爾靈龜觀我朵頤凶 或益之十朋之龜 天生

神物聖人則之

離為龜

易

昆命于元龜

九江納錫

大龜

寧王遺我大寶龜

書

爰契我龜

我龜既厭

詩

鼈人秋獻龜魚

龜人掌六龜之屬天龜曰靈屬地龜

曰繹屬東龜曰果屬西龜曰靄屬南龜曰獵屬北龜曰

若屬凡取龜用秋時攻龜用春時

禮

季秋登龜

龜以

為畜故人情不失 龜為前列先知也 青黑綠者天

子之寶龜也

禮

臧武仲自邾使告臧賈且致大蔡焉

臧昭伯如晉臧會竊其寶龜僂句以下為信與僭僭吉

會曰儻句不余欺也

左傳龜青純公羊傳

臧文仲居蔡山節

藻稅

論語

子仲尼曰神龜能見夢於元君而不能避余且之網知

能七十二鑽而無遺筭而不能免剗腸之患 龜曳尾

塗中

莊子

龜三千歲蜉蝣不過三日以蜉蝣而為龜憂養

生之具人必笑之

淮南子

千載靈龜人言浮於蓮葉之上

或在叢著之下

山中已日稱時君者龜也

却儉少

時行獵墮空冢中見大龜張口吞氣乃試隨龜所為遂

不復饑抱朴子

史褚先生曰能得名龜者財物歸之家必大富至千萬
一曰北斗龜二曰南辰龜三曰五星龜四曰八風龜五
曰二十八宿龜六曰日月龜七曰九州龜八曰玉龜凡
八名龜各有文在腹下 有神龜在江南嘉林中常巢

於芳蓮之上南方老人用龜支牀足行二千歲老人死
後移牀龜尚生能行氣導引

史記

永嘉元年有玉龜出於

灞水 苻堅末高陸人穿井得龜大三尺堅命太卜池

養之及死藏其骨於太廟是夜廟丞高虜夢龜曰我本

出將歸江南遭時不遇殞命秦庭又有人夢於虜曰龜

三千六百歲終必妖興亡國之象也

晉書永明間唐潛獻

青毛神龜一頭

南齊書

武帝章皇后母嘗遇道士以小龜

遺已光彩五色及暮后生紫光照室因失龜所在

陳書開

皇中掖廷每夜有人來挑宮人宮人抽刀斫之其物落

牀而走因入池而沒明日涸池得一龜其上有刀迹殺

之遂絕

隋書

先天二年江州獻靈龜六眸腹下有玄文象

卦文

唐書

傳記龜三足賁龜俯者靈仰者繹前弇諸果後弇諸獵

左倪不靄右倪不若一曰神龜二曰靈龜三曰攝龜四

曰寶龜五曰文龜六曰筮龜七曰山龜八曰澤龜九曰

水龜十曰火龜

爾雅

甲蟲三百六十而神龜為之長

大戴禮

龜一名玄衣督郵一名元緒

古今注

龜百歲一尾千歲則

十尾

六韜

靈龜五色似玉背陰向陽上隆象天下平法地

轉運應四時蛇頭龍脰左睛象日右睛象月知存亡吉

山之變

說苑

龜三百歲大如錢遊蓮葉上三千歲則青邊

有距

論衡

靈著四十九莖下有千歲神龜守之

京房易傳

龜厭

江海陸行不止自今枯蘖失其都市

焦贛易林

天子龜尺二

寸諸侯八寸大夫六寸士民四寸龜者陰蟲之老也

逸禮

神龜之象上圓法天下方法地背上有盤法丘山玄文

交錯以成列宿五光昭若玄錦文運轉應四時

禮統

孫權

時永康人入山遇一大龜即東之歸龜便言曰遊不良

時為君所得人甚怪之載出欲上吳王夜泊越里纜船

於大桑樹宵中樹呼龜曰勞乎元緒奚事爾耶龜曰我
被拘繫方見烹臠雖盡南山之樵不能潰我對曰諸葛
元遜博識必致相苦令求如我之徒計從安出龜日子
明無多辭禍將及爾樹寂而止既至權命煮之焚柴萬
車語猶如故諸葛恪曰燃以老桑乃熟獻人仍說龜樹
共言權登使伐取煮龜立爛異苑孔愉見人籠龜於路買
而放諸溪中龜反顧視愉及封北亭而鑄印龜左顧者
三有似昔龜之顧後賢傳毛寶戍郗城有一軍人買得白

龜長五寸寶便買取持歸養之漸大放江中後邾城遭

石勒敗毛寶被鎧投江中覺如墮一石上視之乃是先

放白龜既抵岸回顧而去

續搜神記

集有緇衣之大夫兮衣玄繡之衣裳乘輜車之岌岌兮

駕雲霧而翱翔風雨為之電奮子五色赫以焜煌

賦 孫惠

質應離象位定坎居賤彼朶頤賁我靈符浮洛川見緯

書洞秘贖通玄虛

李頤賦

本朝自從九江納錫罷衆漁賤棄秋不登卜人官廢亦

已久果獵誰復知殊稱 楮牀纔堪比瓦礫當粟孰肯
捐斗升糝頭腥臊何足嗜曳尾穢污適可憎盛淩除孽
豈必驗蹈背出險安可憑剗腸以占幸無事卷殺而食
病未能如聞翕息可視効往乃有墜岸千層仰窺朝陽
俯引氣亦得難老如岡陵諒能學此真壽類世論妄以
類蟲冰

王介甫

黿

子渤海之中有五山帝使巨黿十五舉首而戴之龍伯

之人一釣而連六鼇

列子

東海鼇冠蓬萊游滄溟蛭蟻聞而

悅之相邀海畔觀鼇群蟻曰彼冠山何異我戴粒逍遙

於封壤之巔伏乎窟穴也

管子

傳記有巨靈之鼇背負蓬萊之山而飛舞戲滄海之中

列仙傳巨鼇以背負山周迴千里

玄中記

集鼇戴山抃何以安之

楚辭

巨鼇鼉屬首冠靈山

吳都賦積

翠浮澹灩始疑負靈鼇

柳詩

突兀海底鼇首冠三神丘鈎

網不能制其來非一秋或者不量力謂茲鼇可求鼉屬

牽不動綸絕沈其鈎一鼃既煩領衆鼃齊掉頭噴風激蜚廉鼓浪怒陽侯鯨鯢得其便張口欲吞舟萬里無活

鱗百川多倒流

白居易

本朝方壺蓬萊負巨鼃

山谷

鼃

經季秋取鼃

禮

楚人獻鼃於鄭靈公公子宋與子家將

見子公之食指動曰他日我如此必嘗異味及入宰夫

將解鼃相視而笑

左傳

子大鼃作魅行病道士戴炳以越章封沉遍擲潭中良

久有大鼃浮出乃格殺之而病者愈

抱朴子

史靈帝時黃氏之母浴而化為鼃初浴時簪一銀釵及

見猶在其首

續漢書

韋丹少在東路嘗至中橋見漁者網

得大鼃繫之橋柱引頸四顧有求救之意於是以前所乘

驢易之放鼃於水徒步而歸

唐史

傳記鼃似鼃而大

說文

鼃為河伯使者

古今注

齊景公渡河

鼃銜左轡沒之古治子拔劍從斜行五里逆三里至于

砥柱之下左手持鼃頭右手挾左驂鶯躍鵲踊而出神搜

記范獻子獵占之曰君子得鼃小人遺冠獻子獵而不

得遺其豹冠

璅語

集乘白鼃芳逐文魚

楚辭

鼃

經鼃鼓逢逢

詩

季秋取鼃

禮

史孫亮初公安有白鼃鳴謠曰鼃鳴龜背平南郡城中
可求生守死不去來無成明年諸葛恪敗弟融鎮公安

被收刮金印龜背一服而死

吳志

傳記鼉水蟲從龜單聲

說文

鼉魚長三尺有四足高尺餘

尾如螻蛄而大方嫁娶必得食之

廣志

張福行船夜有女

子乘小舟就福寢中夜月照乃見一白鼉枕福臂福驚

起而鼉去

搜神記

廣陵王家女病邪召竺僧瑤治之瑤入

門便大驚老魅敢干犯人女在內大喚云人殺我夫鬼

在側曰吾命盡於今可為痛心於是化為老鼉走出中

庭瑤撲殺之

許氏志怪

鼈

經離為鼈

易

烹鼈臠鯉

詩

鼈人秋獻鼈蜃

周禮

子東海之鼈

莊子

跬步不休跛鼈千里

荀子

鄭縣人卜子毒

妻之市買鼈以歸潁水以為渴因縱而飲之遂失鼈

韓子

鼈無耳而目不可以瞽精於明也

援兩鼈而失靈龜

淮南子

史崔弘度每期戒僚吏曰無得欺誑後嘗食鼈侍者八
九人弘度一一問之曰鼈美乎皆云鼈美弘度罵曰傭

奴何敢誑我汝初未嘗食鼈安知其美俱杖之

隋書

傳記鼈三足能

兩雅

鼈目白腹下王字者不可食

雜俎

鼈一

名河伯從事

古今注

公父文伯飲南宮敬叔酒露賭父為

客羞鼈焉小賭父怒相延食鼈辭曰將使鼈長而後食

之遂出

國語

汝南郡中常有鬼怪導從威儀如太守入府

打鼓周行內外後費長房詣郡正值此鬼至府郡門而

不敢前長房厲聲呼便從前來鬼化作老翁叩頭乞得

自改長房曰復汝真形此鬼即成大鼈如車輪頸長一

丈許長房復令還就人形以一札符付之令送與葛陂

君鬼持符去至陂邊以頸繞株而死

神仙傳

昔有人與奴

俱得心腹病奴死割腹視之得一白鼈以諸藥內鼈口

中終不死後有乘白馬來者馬溺濺鼈縮頭藏脚乃試

取馬溺灌之豁然消成水主者頓飲一升遂愈

志怪

集方銜鈎以振掉吁駭人而可惡既顛墜於岩岸乃蹣

跚而跬步或延首以鶴顧或頓足而鷹距或曳尾于泥

中或縮頭于殼裏

潘尼賦

螺

經離為羸

易

鼃人祭祀供羸羸蚺

周禮

傳記海文螽數種其大者容一升南人以為酒杯

廣志

馬

軻羸大者圍九寸長四寸細者圍七寸長三寸

南方說

鸚

螺狀如覆杯頭如鳥頭向其腹視似鸚鵡故以名 吒

螺著海邊樹上見人吒如人聲可食蒼螺江東人以為

梳假猪螺日南有之靨為甲香

異物志

謝端少孤得一大

螺置瓮中每早至野還見有飲飯湯火端從籬外窺之

見一少女從瓮中出燃火便入問之女答曰我天漢中白水素女天帝使我為守舍炊煮今無故相伺不宜留此忽有風雨而去

搜神記

蚌蜃附

經離為蚌

易

孟冬雉入大水化為蜃

禮

子楚之明月出於蚌蜃

墨子

明月之珠蜃龍之病而我之

利

淮南子

史元將仲將不意雙珠近出老蚌

魏志

太宗謂侍臣曰蜃

性含水待月而水生

唐書

傳記蜃小者蚼注云蚼即小蚌

兩雅

齊趙將伐燕蘇代說

趙王曰今者臣來見小蚌方出暴而鷸啄其肉蚌合而

挾其啄鷸曰今日不雨明日不雨必見蚌脯蚌曰今日

不出明日不出必見死鷸漁父得而併擒之今燕趙相

攻臣恐強秦之為漁父也趙王乃止

戰國策

南方林邑有

大蚌盈車明珠至寸不以為貴

拾遺錄

集蚌蛤珠胎與月虧全

左思賦

蛤蜊附

經季秋雀入大水為蛤

禮

子盧敖俯而視之方卷龜殼而食合梨

淮南子

傳記東越海蛤

汲冢周書

仙家之藥有白水靈蛤

梁武內傳

凡蛤

之屬開口聞雷鳴則不復閉

南越志

有人患足腫疾醫莫

能識徐之才視之曰蛤精疾也得之當由乘船入海垂

脚入水中之才為剖之得蛤子二大如榆莢

三國典畧

本朝飲者憐渠有典刑見渠借箸眼偏青

莫遣下鹽

傷正味不曾著蜜若為甜雪楷玉質全身瑩金線冰鈿

半縷纖

誠齋

車螯

史廬陵王義真出為南豫州刺史居高祖憂長史劉湛入見煥酒炙車螯湛正色曰公當今不宜有此設義真

曰旦甚寒一杯酒亦何傷酒既至湛因起曰既不能以

禮自處又不能以禮處人

沈約
宋書

傳記車螯形如蚌蛤而大

說文

本朝璀璨殼如玉斑斕點上花含漿不肯吐得火遽已

呀

六一集

素脣紫錦背漿味壓蚶菜

梅聖俞

珠宮新沐淨瓊

沙石鼎初燃淪井花紫殼旋開微滴酒玉膚莫熟要鳴

牙

誠齋

蠣

傳記南海謂蠣為蠔甲為牡蠣合澗州圓蠣土人重之

語曰得合澗一蠔雖不足豪亦可以高也

南越志

蠔生海

島邊如拳石四面漸長有高一二丈者每一房內蠔肉

一片海夷以斧揆取殼燒以烈火蠔即啓房挑取其肉

趣市以易醕

嶺表錄異

集蠔相粘為山十百各自生

韓詩

本朝薄宦遊海鄉雅聞靜康蠔中厨烈焰炭燎以柴

與蒿委質已就烹鍵閉猶遁逃稍稍窺其戶青欄流玉

膏人言噉小魚所得不償勞況此鐵石頑解剥煩錐刀

戮力効一割功烈纔牛毛若論攻取難飽食未為饗

梅聖

俞蓬山側畔屹蠔山懷玉深藏萬壑間

誠齋

蚘

傳記瓦屋子南中舊呼為蚘子盧鈞尚書作鎮以其殼
上有稜如瓦墮故名焉廣人尤重之俗呼為天鬻灸

嶺表

錄異

鰲

傳記鰲形如惠文冠青黑色十二足腹中有子如麻子
取以作醬尤美

吳錄地理志

鰲形如熨斗頭似蜣螂南人重

之以為鮓

廣州記

鰲魚其殼瑩淨如青甕盃鑲背眼在背

上口在腹下尾長尺餘三稜如梭莖雌常附雄而行若

摘去雄者雌者即自止腹中有子如菰豆

嶺表錄異

集鱉實如蕙文骨眼相負行

韓詩

本朝忽有鉗罟至捲將江海來玄霜束龜殼紅霧染珠

胎

誠齋

蟹

經離為蟹

易

蠶則績而蟹有匡

禮

子蟹六跪而二螯非蛇蟺之穴無所寄托者用心躁也

荀子夫釋大道而任小數無異於使螻捕鼠

淮南子

山中稱

無腸公子者螻也

抱朴子

史解系免官還第及張華裴頠之被誅也倫秀以宿憾

收系兄弟梁王彤救系等倫怒曰我於水中螻且惡之

况此人兄弟輕我耶遂害之

晉書

傳記螻蛄也其雄曰蜎蜎其雌曰轉帶

爾雅

蟹二螯兩端

傍行

孝經援神契

螻漆相合成水

博物志

水螻螯殼內皆鹹水

自有味廣人取之淡煮吸其鹹汁下酒

膏螻殼內有

膏如黃酥加以五味和殼燂之 赤母蟬殼內黃赤膏

如雞鴨子黃內白以和膏實其殼中淋以五味蒙以細

麪為蟬餌籬 紅殼蟬殷紅色巨者可以裝為酒杯

虎蟬殼上有虎斑可裝為酒器

嶺表錄異

蟬之小者每潮欲

來出穴舉螯迎之名招潮子

海物異名記

蔡司徒渡江見螳

蟬大喜曰蟬有八足二螯今烹之既食委頓吐下方知

非蟬後向謝仁祖說此事謝曰卿讀爾雅不熟幾為勤

學死

世說

畢卓嘗曰左手持蟬螯右手執酒杯泊浮酒池

中足了一生矣

郭子

集未遊滄海早知名有骨還從肉上生莫道無心畏雷

電海龍王處也橫行

杜牧

紺甲青筐染苔衣島夷初寄北

人時離居定有石帆覺失伴惟應海月知族類分明連

蟻皓形容好箇似蟛蜞病中無覓雙螯處寄與夫君左

手持

螬因霜重金膏液

皮日休

本朝仁宗內宴有螬二十八枚帝曰吾尚未知一枚直

幾錢左右對直一千帝不悅曰數戒汝輩無侈靡一下

箸為錢二十八千吾不忍也遂不食

聞見錄

陶穀使吳越

忠懿王宴之因食蝻蟀詢其族類忠懿命自蝻蟀至

蛆凡十餘種以進穀曰真所謂一蟹不如一蟹

撮遺

有蟹

無監州

見通判類

半殼含黃宜點酒兩螯斫雪勸加餐

東坡相

憶樽前把蟹螯海饌糖蟹肥霜臍嘗食新形模

雖入婦人笑風味可解壯士顏怒目橫行與虎爭寒

沙奔火禍胎成雖為天上三辰次未免人間五鼎烹

山谷

滿腹紅膏肥似髓貯盤青殼大於杯

梅聖俞

橫行湖海浪

生花糟粕招邀到酒家
酥片滿螯疑作玉
金穰鎔腹未

成沙

識齋

記纂淵海卷九十九

欽定四庫全書

記纂淵海卷一百

宋 潘自牧 撰

蟲豸部

蛇

經維虺維蛇女子之祥

詩

初內蛇與外蛇關於鄭南門

中內蛇死六年而厲公入 有蛇自泉宮出如先君之

數聲姜薨毀泉臺 吳為封豕長蛇以薦食上國

左傳

子吾待蛇蚶蜩翼耶

莊子

騰蛇遊霧

慎子

鴟夷子皮謂田成

子曰子獨不聞涸澤之蛇乎小蛇謂大蛇曰大蛇行而
小蛇隨之必有殺子子不如相銜負我以行人必以我
為神也乃相負越公道而行人皆避之韓子越人得蚺蛇
以為上肴中國得而棄之無用 神蛇能斷而復續而
不能使人勿斷也淮南子

史秦文公夢黃蛇自天下屬地其口出於鄜衍於是作

鄜時

史記

高祖夜行澤中大蛇當道拔劍斬之後人至蛇

所有一老嫗夜哭曰吾子白帝子也化為蛇當道今者

赤帝子斬之

漢書

杜預醉臥齋中外人聞嘔吐聲竊窺於

戶見一大蛇垂頭而吐聞者異之樂廣嘗有親客久

闊不復來廣問其故答曰前蒙賜酒見杯中有蛇既飲

而疾時廳事壁上有角漆弓畫作蛇廣意杯中蛇即角

弓影也復置酒謂客曰酒中復有所見否答曰如初廣

乃告其所以客豁然頓愈

晉書

劉秀之十許歲時與諸兒

戲於前渚忽有大蛇來勢甚猛莫不顛沛驚呼秀之獨

不動衆並異焉

沈約宋書

翟讓初見李密衣在格上密腰帶

化為赤蛇讓心異之竟為密所殺

隋書

元和中五坊小使

每羣聚於賣酒食家肆情飲啖將去留蛇一篋誠之曰

吾以此蛇致供奉鳥雀可善飼之主人賂而謝之方肯

攜去

唐書

周太祖嘗寢柴后見五色小蛇入鼻間心異之

知其必貴敬奉愈厚

五代史

傳記騰騰蛇王蛇

爾雅

善用兵者譬如率然率然常山之

蛇也擊其首則尾至擊其尾則首至擊其中身則首尾

俱至

孫子兵法

楚有祠者賜其舍人酒一卮舍人相謂曰請

各畫地為蛇先成者飲酒一人先成乃左手持卮右手

畫蛇曰吾能為之足一人後成奪其卮曰蛇故無足子

安能為之足遂飲其酒

戰國策

巴蛇吞象三歲而出角君

子服之已心腹之疾

山海經

晉文公出田前有大蛇其高

如隄其御請攻之文公曰不可我有失行而天惑我以

妖我若攻之是逆天令也乃歸齋宿而請於廟退而修

政居三日夢天誅蛇曰爾何敢當聖君之路文公覺令

人視之蛇已魚爛矣

賈誼書

隋侯行見大蛇傷救而治之

其後蛇銜珠以報之

搜神記

晉吳興太守袁玄瑛嘗之官

請郭璞筮吉凶璞曰至官當有赤蛇為妖不可殺之後

到府果有赤蛇在銅虎符首上蟠家人搃殺之其後玄

瑛為徐馥所害

廣五行記

兩頭蛇嶺外多一頭有口眼一頭

似頭而無口眼昔孫叔敖見之不祥乃殺而瘞之南人

見之為常其禍安在

嶺表錄異

集蝮蛇蓁蓁封狐千里

靈蛇吞象厥大何如

楚辭獨不

見翠蛇絳螭之將登天乎必聳身於蒼梧之朔階浮雲

翼疾風而上

楊雄

嘉茲蛇靈斷而能續飛不須翼行不假

足

傳

惟大蛇既洪且長采色駸犖其文錦章食灰吞

鹿腴成養創賓享嘉宴是豆是觴

楊氏異物志讚

永州之野產

異蛇黑質白章觸草木盡死以齧人無禦之者然得而

腊之以為餌可以已大風踠攣癘厲去死肌殺三蟲

柳文

吾悲夫天形汝軀絕翼去足無以相扶曲脊屈脅惟行

之紆目兼蜂蠆色混泥塗其頭蹙恧其腹次且褰鼻鉤

牙穴出楮居蓄怒而螭銜毒而趨志斲害物陰蠹潛狙

草搖風動百毒齊起首卷脊努吐舌搖尾不足其凶

若病乎已

宥蝮蛇文

本朝欲知垂盡歲有似赴壑蛇修鱗半已沒去意誰能

遮

况欲繫其尾雖勤如奈何

東坡

鼃

經蝮氏掌去鼃黽焚牡鞠以灰洒之則死

周禮

仲夏之月

蝮鳴禮

子井蛙不可以語於海者拘於虛也子獨不聞埳井

之蛙乎謂東海之鼈曰吾樂與吾跳梁乎井幹之上入
休乎缺甃之崖赴水則接腋持頤蹶泥則沒足滅跗埒
井之樂此亦至矣夫子奚不時來入觀乎東海之鼈左
足未入而右膝已繫矣於是逡巡而却告之海埒井之
蛙聞之適適然驚規規然自失也莊子越王勾踐欲伐吳
出見鬬鼃乃軼從者曰王何敬也曰以其勇氣故也其
後國人輕命死戰韓子蝦蟆蛙龜且夜恒鳴口乾舌樸然
布不聽管子

史元鼎五年秋蛙與蝦蟆俱鬪

漢書

馬援為隗囂使公孫

述歸謂囂曰子陽井底蛙耳而妄自尊大不如專意東

方

後漢書

有蛙鳴于華林園惠帝問曰為官乎為私乎賈

盾對曰在官地為官在私地為私

晉書

沈僧照別名法朗

少事文師道士梁武陵王紀為會稽太守宴坐池亭蛙

鳴聒耳王曰殊廢絲竹之聽僧照呪厭便息日晚王欲

其復鳴僧照曰王歡已闌令女恣鳴即便喧聒

齊書

丘傑

遭母喪以熟菜有味不嘗於口忽夢見母曰汝噉生菜

遇蝦蟇毒靈床前有三九藥可取服之傑驚起得藥服

之下蚪蚪子數升

南史

傳記蟄蟇蚪蚪活東

爾雅

蚪蚪蝦蟇子也一名玄針一名

玄魚

古今注

燕太子與荆軻之東宮臨池而觀軻拾磚投

蛙太子令人奉槃金

燕丹子

懷州擬貞觀東廊下柱有蝦

蟇聲後因柱朽壞斫之得一蝦蟇其柱又無孔隙

廣五行記

集蝦蟇雖水居水特變形貌強號為蛙蛤於實無所校

雖然兩股長其奈脊皴皴跳擲雖云高意不離溇溇鳴

聲相呼，和無理，祇取鬧。周公所不堪，灑灰垂典教。端能敗笙磬，仍工亂學校。雖蒙句踐禮，竟不聞報效。大戰元鼎年，孰強孰敗撓。居然當鼎味，豈不屑釣罩。韓文蠹蠹水

族中無用者，蝦蟇形穢肌。肉腥出沒于泥沙，六月七月交時雨。正滂沱，蝦蟇得其志，快樂無以加。地既蕃其生，使之族類多天。又與其聲得以相喧譁，豈惟西池上汙

君清泠波，何獨瑤琴前。亂君鹿鳴歌。

白居易

本朝悍目知誰瞋，瞋腹空自脹。慎勿因蜈蚣，饑蛇不許

放東坡越國車前矜勇甚子陽井底太驕生乘時不羨雲

溟樂口作儀同鼓吹聲宋子經坎井我自足跳梁而持頤

鼈笑色無愠鵠化理莫推月下聲喧青草岸雨餘響

徹綠荷洲雖蒙黃金擲荆卿空爾為或以白玉琢形

模妙工僂咄爾百醜質詎辱五鼎脂浪號土底鴨雄誇

水中雞何足汙帝筋但可充蛇饑洪駒父

蟋蟀

經蟋蟀刺晉昭公也七月在野八月在宇九月在戶

十月蟋蟀入我牀下

詩

季夏蟋蟀居壁

禮

史蟋蟀俟秋吟

漢書

秋風厲而蟋蟀吟蓋氣使之然也

後漢

書

傳記蟋蟀似蝗而小正黑有光澤如漆有角翅一名蜚

一名蜻蛚楚人謂之王孫幽州人謂之促織督促之言

也里語曰趣織鳴懶婦驚

詩義疏

蟋蟀之蟲隨陰迎陽居

壁向外趣婦女織績女工之象

易通卦系

立秋蜻蛚鳴白露

下蜻蛚上堂

易通卦驗

朽葦為葢

搜神記

蟋蟀集天子無遠兵

春秋潛
潭巴

莎雞一名促織一名絡緯促織謂鳴聲如急織

也絡緯謂其聲如紡績也促織一曰促機絡緯一名紡

緯

古今
注

集澹容與而獨猗兮蟋蟀鳴此西堂

楚辭

何茲蟲之資生

亦靈智之攸授享神氣之么眇體形容之微陋厲清

響於長宵激悲聲以迄曙

虞詡賦

開秋肇涼氣蟋蟀鳴牀

帷

阮籍

促織甚微細哀音何動人草根吟不穩牀下夜相

親久客得無淚故妻難及晨悲絲與急管感激異天真

詩杜

本朝是固夫霜淒露感而恤緯征人之裳者歟身勤心
苦而提耳女工之荒者歟晝閒宵喧自基而徂堂者歟
多言強聒身隱而聲彰者歟若悲若怨若憤若歎而吟
嘯秋夕之清長者歟一聲能遣一人愁終夕聲聲曉
未休不解縲絲替人織強來出口促衣裘

誠齋賦

蟻

經饋食之豆蚍醢注云蚍蟻子也禮蛾子時術之禮

子羊肉不慕蟻蟻慕羊肉羶也 吞舟之魚蕩而失水

則螻蟻能苦之

莊子

桓公伐孤竹行山中無水隰朋曰蟻

冬居山之陽夏居山之陰蟻壤寸而有水乃掘遂得水

千丈之隄以螻蟻之穴而潰

以骨去蟻蟻愈多

韓子

蟻有兼弱之智

抱朴子

傳記虬蟬大螳小者螳螳虻飛螳其子蚋

爾雅

蟻封

戶穴大雨將集

焦贛易林

朱蟻其狀如蟻在崑崙之墟

山海經

飛蟻有木蟻古曰玄駒者也

廣志

虬蟬齊魯之間謂蚋蟻

西南梁益之間謂之玄駒燕謂之蛾蚌楚郢以南蟻土

謂之封

方

殷仲堪父病虛悸聞牀下蟻動云是牛鬪

世說

桓謙太元中忽有人皆長寸餘悉被鎧持槩緣機登竈

或有切肉輒以槩刺取徑入穴道士朱應子令以沸湯

澆所入處掘之有斛許大蟻死窟中謙後以門譽同滅

苑異淳于夢夢入蟻穴

見木部槐類

交廣溪洞間酋長多收蟻

卵鹵以為醬非官客親友不可得也

嶺表錄異

集南方豈螳若象

楚辭

節殷人之喪輿在四隅而交結濟

齊桓之窮師由山東之高垵感萌陽以潛步知將雨而

封穴伊斯蟲之愚昧乃先識而似哲

郭璞

嘗濟齊師之乏

亦聞媯德之殫覩封穴而知雨驗寸壤而得泉出以時
而不息故學者得而稱焉戴粒而遊若巨鼃之冠神岳

繞磨而行若日月之麗清天

李德裕

本朝哲宗在宮中漱水必避螻蟻

聖政

大宋編竹渡蟻

見狀

元及第類偶爾相逢試問途不知何事數遷居微軀所饌能

多少一獵歸來滿後車 一騎初乘隻又雙全軍突出

陣成行策勛急報千夫長渡水還爭一葦航

誠齋

蜘蛛

經蠨蛸在戶

詩

子晉公子重耳奔齊見蜘蛛布網曳蠅執豸而食之謂
舅犯曰此蟲也智之薄者矣人之有智而不能廓垂天
之綸布絡地之網以供方丈之御是曾不如蜘蛛之智
也舅犯曰君將行之則有邦有嗣矣

管子

太昊師蜘蛛而

結網

抱朴子

史葛原取燕卵蜂巢蜘蛛著器中使管輅射覆輅曰第

三物殼殼長足吐絲成羅尋網求食利在昏夜

魏志

傳記蠪蛸一名長腳荊州河內謂之喜子云此蟲來著

人當有親客至

詩義疏

蜘蛛作網以司行旅

蜘蛛南北

巡行罔罟

焦易

湯出見羅者命解其三面更教之祝曰昔

蛛螫作網今人學結欲左者左欲右者右吾取其犯命

者

帝王世紀

龔舍初隨楚王朝宿未央宮見赤蜘蛛四面縈

羅網有蟲觸之而死者舍乃歎曰仕官者人之網羅也

於是掛冠而退時人謂舍為蜘蛛之隱

金樓子

觀夫蜘蛛

之絲以網飛蟲也人之用詐安過之

論衡

集獨高懸以浮處遂設網於四隅南連大廡北接華堂

左憑廣廈右依高廊吐絲屬緒目引結網纖羅絡漠綺

錯交張雲舉霧綴以待無方

成公綏

伊蜘蛛之為蟲縱微

性乎天壤稟妙造於化靈忽無擬而無想吐自然之纖

緒先皇義而結網憑輕羅以隱顯應大明之幽朗

張望映

日張網羅遮天亦何別倘居要地門害物可堪說網成

雖福已網敗還禍爾

蘇極

物之小者近網而斃物之大者

兼網而逝網也者繩其小而不繩其大吾不知爾身之

危兮腹之餒兮吁

羅隱

本朝日結一尺網知吐幾尺絲百蟲為爾食九腹尚若

饑

梅聖俞

靜看簷蛛結網低無端妨礙小蟲飛蜻蜓倒掛

蜂兒窘催喚山童為解圍

范至能

網羅滿腹輸渠巧也只

蠅蚊命屬渠 網羅最密是蛛絲却被秋蚊探得知粘

著便飛來不再蛛絲也解有疎時

誠齋

織絲來往疾如梭

長愛騰空作網羅害物身心雖甚小謾天網紀亦無多

翟嗣宗

蚯蚓

經孟夏蚯蚓出仲冬蚯蚓結

禮

子上食槁壤下飲黃泉

孟子

蚯蚓見軍中尤多者軍罷又

宜備反叛

抱朴子

傳記蚯蚓一名蜚蠊一名曲蟺善長吟於地中江東謂

為歌女或謂鳴砌

古今注

蟬無爪牙之利筋脉之強上食

晞土下飲黃泉者用心一也

大戴禮

黃帝時螾大如虹

帝王

世紀陳後主時隋軍至江蚯蚓盡出森然如值箭陳氏水

鄉蚯蚓土蟲象陳氏自稱土德盡出明傾其窟穴以曲

歸直是歲隋平陳大業中河南有婦人養姑不孝姑

兩目暗婦切蚯蚓為羹以食之未幾雷震其婦俄而從

空落身如故而易頭為白狗頭

廣五行記

集蚯蚓土精無心之蟲交不以分姪於阜蚤蝨觸而感物

無乃常雄

郭璞

蚯蚓上深堂

杜詩

本朝蚓食土而飲泉其為生也簡而易足然仰其穴而
鳴若號若呼若嘯若歌其亦有所求耶抑其求易足而
自鳴其樂耶其生陋而自悲其不幸耶將自喜其聲而
鳴其類耶豈其時至氣作不自知其所以然而不能自
已致耶何其聒然而不止耶吾於是乎有感

六一集

蝶

子昔莊周夢為蝴蝶栩栩然蝴蝶也不知周也俄然覺
則蘧蘧然周也不知周之夢為蝴蝶歟蝴蝶之夢為周

歟莊子鳥足之根為蟻螯其葉為蜩蝶列子

史魏收在洛京輕薄尤甚人號云魏收驚蛺蝶北齊書

傳記蛺蝶一名野蛾一名風蝶江東人號為撻末色白

背青者是也其大有如蝙蝠者或黑色或赤斑名曰鳳

子一名鳳車一曰鬼車古今注唐穆宗禁中花開夜有蜩

蝶數萬集花間宮人以羅巾撲之無獲者上令張網空

中得數百遲明視之皆庫中金玉錢杜陽雜編嘗有人浮南

海泊於孤嶼忽有物如蒲帆飛過海將到舟競以物擊

之盡破碎墜地視之乃蛺蝶也海人去其翅足秤之得

肉八十斤噉之極肥美

異物志

鶴子草蔓上春生雙蟲越

女收於粧奩中摘其葉飼之蛻為蝶赤黃色婦女收而

帶之謂之媚蝶

嶺表錄異

集野畦連蛺蝶

沙晚低風蝶

風輕粉蝶喜

穿花

蛺蝶深深見

留連戲蝶時時舞

娟娟戲蝶過閑慢

杜詩揚揚弄芳蝶

韓文

尋艷復穿香似閒還似忙暖煙沉蕙

徑微雨宿花房

書幌

輕隨夢歌樓誤採粧王孫深屬意

繡入舞衣裳

鄭谷

飛來繡戶陰，穿過畫樓深。重傳秦臺粉，

輕塗漢殿金。相憐惟柳絮，所得是花心。可要凌孤客，邀

為子夜吟

李嶠

本朝蝴蝶雙飛得意，偶然畢命網羅羣。蟻爭收墜翼，策

勳歸去南柯

山谷

翅輕於粉薄，於繒長被花牽。不自勝若

信莊周尚非夢，豈能投死為韓憑

王介甫

蝴蝶新生未解

飛。鬚拳粉濕，睡花枝夜來，借得風光，力不記如癡似醉。

時

誠齋

蜂

經莫予并蜂自求辛螫

詩

蜂蠆有毒而況國乎

左傳

子奔蜂不能化藿蠋

莊

蜂房不容鵠卵

蜂蠆螫指而

神不能怡

淮南子

蜂有攻寡之義

抱朴子

史豫章嚴豐為郡主簿太守賈萌舉兵欲誅王莽有飛

蜂附萌車衡豐諫以為不祥之徵萌不從果見殺

謝陶承

侃表袁譙為高涼太守有蜜蜂蔽日而下譙船上會得

留郡文書賊欲乘虛攻郡譙欲速赴卒遇大風飛沙不

得復還浦遂沒海中 鄒湛對武帝曰蜂蠆作於懷袖

勇夫為之驚駭

王隱

傳記蜂燕趙之間謂之蠓螋或謂之蚰蛻其大有蜜謂

之壺蜂

方

言蜂蠆垂芒

考經

援

細腰無雌蜂類也取桑蠶

或阜螽子抱而成已子詩曰螟蛉有子螺贏負之

博物志

尹吉甫子伯奇後母取蜂去毒繫於衣上伯奇前欲去

之母便大呼曰伯奇牽我吉甫見疑伯奇自死

列女傳

仙翁與客對食吐口中飯盡成飛蜂滿屋皆不螫人良

久仙翁張口蜂還飛入口中成飯別傳元嘉元年建安郡

山賊百餘人入浮圖剽掠財寶忽有蜜蜂從衣簾出噬

螫羣賊身首腫痛先諸所掠皆棄而走蜂飛邀逐噬擊

彌絡賊遂惶懼從便道而去宣驗已雖無官職一日兩衙

見射覆類

集玄蜂若壺楚辭仰蝶粘落絮花蘂上蜂鬚花暖蜜

蜂喧花底山蜂遠趣人蜜蜂為主各磨牙咬盡村

中萬木花遊蜂多思正結營

韓文

本朝空中蜂隊如車輪中有王子蜂中尊分房減口未
有處野老解與蜂語言前人傳蜜延客住後人秉艾催
客奔布囊包裹鬧如市坐入竹屋新且完小牕出入旋
知路幽圃首夏花正繁相逢處處命儔侶共入新宅長
子孫蜂王舉家千萬口黃蠟為糧蜜為酒口銜澗水
拾花鬚沮洳滿房何不有蘇子蜜蜂不食人間倉玉露
為酒花為糧作蜜不忙採花忙蜜成猶帶百花香蜜成
萬蜂不敢嘗要輸蜜國供蜂王蜂王未及享人已割蜜

房誠齋

蟬

經五月鳴蜩 鳴蜩嘒嘒詩 仲夏蟬始鳴季秋寒蟬鳴

范則冠而蟬有綏禮

子仲尼見痾僂者承蜩猶掇之也仲尼曰用志不分乃

凝於神其痾僂丈人之謂乎莊子曜蟬者務明其火振其

樹荀蟬無口而鳴 蟬飲而飲食三十日而蛻淮南子

史朱异除中書郎始拜有飛蟬正集异武冠上時咸謂

蟬珥之兆

梁書

後周宣帝汰侈嘗自帶綬及通天冠加金

附蟬顧見侍臣武弁上有金蟬及王公有綬者並令去

之

傳記鳴蜩蟬也宋衛謂之蜩蜩陳鄭云蜩海岱之間謂

之蟬

詩疏義

姤上九候蟬始鳴不鳴國多妖言

易通卦驗

牛亨

問董仲舒曰蟬為齊女何答曰昔齊王后怨王而死屍

變為蟬登庭樹嘒而鳴王悔之故曰齊女

古今注

集蟬寂漠而無聲

楚辭

吸清露於丹園抗喬枝而理翮

曹大

家飲露非表清輕身易知足

褚雲

蘭樓朝咽露樹隱暝吟

雲

方

本朝引清風以長嘯抱纖柯而永歎嘒嘒非管泠泠若
弦裂方號而復咽淒欲斷而還連吐孤韻以難律含五
音之自然豈非因物造形能變化者耶出自糞壤慕清
虛者耶凌風高飛知所止者耶嘉木茂樹喜清陰者耶
呼吸風露能尸解者耶

六一集

蛻形污濁中羽翼便翾好

秋來問何闊已抱寒莖槁

東坡

一殼空空紙樣輕風前却

有許多聲叫來叫去渾無事叫到詩人白髮生 說露

談風有典章詠秋吟夏入宮商蟬聲無一些煩惱自是

愁人枉斷腸

誠齋

螢

經熠燿宵行

詩

李夏腐草為螢

禮

史張讓段珪劫少帝及陳留王協走小平津帝與王夜

步逐螢火先行數里得民家露車同乘還宮

後漢書

煬帝

幸景華宮徵求螢火得數斛夜出遊山而放之光徧岩

谷

隋書

傳記螢文即焰

爾雅

螢一名輝夜一名景火一名熠熠一

名燐一名丹良一名夜光一名宵燭腐草為之食蚊蚋

古今注

丹鳥蓋白鳥丹鳥謂丹良也白鳥謂蚊蚋也

大戴禮

車胤好學家貧不常得油夏月則以練囊盛數十螢火

夜以繼日焉

續音陽秋

務成子螢火丸方武威太守劉子南

合而佩之永平中為虜所圍矢下如雨終不能中傷虜

以為神人乃解圍去

神仙感應篇

集不以姿質之鄙薄兮欲增輝乎泰清雖無補於日月

兮期自照於陋形當朝陽而戢景兮必宵昧而是征進

不競於天光兮退在晦而能明傳咸著人疑不熱集草訝

無煙到來燈下暗翻在雨中燃梁元帝幸因腐草出敢近

太陽飛未足臨書卷時能點客衣隨風隔幔小帶雨傍

林微十月清霜重飄零何處歸

杜詩

本朝夜深風露滿中庭時見孤螢自開闔 熠燿亦求

偶高屋飛相迫定知無幾見迫此清霜期東坡却馬已錄

仙人方映書曾登君子堂不畏月明見陋質但畏風雨

難為光

陳去非

熠熠孤光動翩翩渡水來

后山

蠅

經匪雞則鳴蒼蠅之聲營營青蠅止于樊豈弟君子

無信讒言營營青蠅止于棘讒人罔極交亂四國營營

青蠅止于榛讒人罔極構我二人

詩

子以魚鰕蠅蠅愈至

符子

或問蒼蠅紅紫

楊子注云蒼蠅間乎白黑紅紫

似朱而非朱也

史成帝建始元年青蠅萬數集未央宮朝者坐 昌邑

王賀夢青蠅積西階可五六石以問龔遂遂曰讒人衆

多宜皆放逐之賀不用其言卒至於廢也

漢書

昭明太子

食中頻得蠅蟲之類密置枰邊恐厨人獲罪

梁書

庾伏

連居室患蠅杖門者曰何故聽入

北史

蠅集瓜上

唐書

傳記蠅宋齊謂之羊陳楚之間謂之蠅自關而西秦晉

之間謂之蠅

方光武

與隗囂書曰蒼蠅之飛不過十步托

驥之尾得以絕羣

東觀記

王思嘗執筆作書蠅集筆端驅

去復來思怒取筆擲地踏壞之

魏畧

符堅蒼蠅報赦

見赦恩類

虞翻放棄南方自恨沒海隅生無可與語死以青蠅為

吊客

別傳

何晏夢青蠅數十來自鼻上揮之不肯去明年

晏伏誅

廣五行記

牛僧孺青蠅賀及第

見及第類

集青蠅嗜肉汁而忘溺死衆人貪世利而陷罪禍

班固

本朝觸頻苒苒朋飛薨薨竊羶而蠹芳筵預登當是之際無不憎我疑奸人之魂佞人之魄埋鬱不散托蠅寄跡不然者何以變白為黑變黑為白所以恣其點染所

以遂其讒慝

張乖崖

爾形至眇爾欲易盈杯盂殘瀝砧几

餘腥所希抄忽過則難勝苦何求而不足乃終日而營

營逐氣尋香無所不到頃刻而集誰相告報尋頭撲

面入袖穿裳或集眉端或沿眼眶目欲瞑而復警臂已

掉而猶攘或醉醇醪因之沒溺或投熱羹遂喪其魄

尤忌赤頭號為景跡一有霑污人皆不食

歐陽公

蟲

子江浦之間生麼蟲名曰焦螟羣飛而集於蚊睫弗相觸

也栖宿去來蚊弗覺也

列子

蚊蠱嗜膚則通宵不寐矣

猶鑿海涉河而使蚊負山也

莊子

蠱蚋嗜膚而性不能平

淮南子

史中山靖王曰臣聞衆煦漂山聚蚊成雷

漢書

趙炳有道

術章安令殺之人為立祠至今蚊蚋不能入也

後漢書

江

東有吐蚊鳥夏夜吐蚊於蘆荻中

唐史

傳記秦謂之蚋楚謂之蚊

說文

丹鳥羞白鳥

大戴禮

齊桓公

謂仲父曰一物失所寡人猶為之於邑白鳥營飢而求

飽寡人因之開翠紗之帷進蚊子焉其蚊有知禮者不食公之肉而退其蚊有知足者噉公之肉而退其蚊有不知足者遂長噓短吸而食之及其飽也腹腸為之破潰公曰嗟夫民生亦猶是矣

金樓子

吳猛小兒時在父母

邊臥夏時多蚊蚋而終不搖扇恐蚊蚋去已而及父母

搜神記

東方朔覆射蚊子

見射覆類

集雖得一餉樂猶如聚飛蚊

韓文

五月中夜息飢蚊尚營

營但將膏血求豈覺性命輕顧已寧自愧飲人以偷生

願為天下慟一使夜景清

孟郊

沉沉夏夜空堂開飛蚊伺

暗聲如雷嘈然倏起初駭聽殷殷若自南山來喧騰鼓

舞喜昏黑昧者不分聰者惑露花滴瀝月上天利嘴迎

人看得不得我軀七尺爾如芒我孤爾衆能我傷天生有

時不可遇為爾設幄潛匡牀清商一來秋日曉羞爾微

形飼丹鳥

劉夢得

本朝薰簷苦煙燼燎壁疲照燭

翔翔伺昏黑稍稍出

壁屋填牕來若翳聚隙多可掬叢身疑陷圍聒耳如遭

哭猛攘欲張拳暗中甚飛鏃手足不自救其能營背腹

六一集

飽去櫻桃重飢來柳絮輕但知求旦暮休更問前

程

范文正

蟲

子紀昌學射於飛衛以鼈懸蝨於牖南面而望之二年

之後如車輪焉乃以燕角之弧孤蓬之筈射之貫蝨之

心而懸不絕

子列濡需者豕蝨是也擇䟽鬣自以為廣宮

大囿奎蹄曲隈乳間股脚自以為安室利處不知屠者

之一旦布草操煙火而已與豕俱焦也

莊子

三蟲食羶相

與訟一蟲遇之曰奚訟三蟲曰爭肥饒者一蟲曰若爾

不患臘之將至而烹之也乃相與聚其目而食之羶瘦

人乃不殺

韓子

湯沐既具蟣蟲相弔

淮南子

夫蟲生於我我

非蟲之父母蟲非我之子孫也

抱朴子

史獨不見羣蟲之處禪中逃乎深縫匿乎壞絮自以為

吉宅行不敢離縫動不敢出禪襠自以為得繩墨也然

炎丘火流焦邑滅都羣蟲處於禪中而不能出也君子

之處域內何異乎蟲之處禪中乎

晉書

江泌性行仁義衣

敝蟲多綿裹置壁上恐蟲飢死乃置衣中終身無復蟲

齊書

傳記蟲齧人蟲也蟻蟲子也

說文

馬援擊尋陽山賊上書

曰除其竹木譬如嬰兒頭多蟻蟲而刺之蕩蕩然蟻蟲

無所復依上悅因出小黃門頭有蟲者皆刺之

東觀記

王

猛被緼袍而詣桓溫談當世之事捫蟲而言傍若無人

續陰陽秋

趙仲讓為梁冀從事冬月坐庭中向日解壞裘捕

蟲襲成君使推問之冀笑曰此我從事絕清高士也

俗風

通

集危坐一時痺不得搖性復多蟲爬搔無已而當襲以

車服揖拜上官不可堪也

嵇康

本朝咀嚼侵膚未云已爬搔刺骨終無奈時時對客輒
自捫十百所除纔幾箇皮毛得氣強復活爪甲流丹
身暫破未能湯沐取一空且以火攻令少挫踞鑪熾炭
已不暇對竈張衣誠未過飄零乍若蛾赴燈驚擾端如

蟻旋磨

王介甫

蚤

子韓昭侯搔而痒亡一蚤求之甚急左右因取其蚤蝨而殺之昭侯以此察左右不誠也

韓子

釋大道任小技無

異使蟾蜍捕蚤

淮南子

傳記蚤齧人蟲也

說文


集丹鴻可殺蚤也

趙一解
擯賦

得蚤者莫不磨之齒牙為害

身也

曹植



記纂淵海卷一百